

МУҲИМ ҲУЖЖАТ

Ўзбекистон Республикаси Президенти Шавкат Мирзиёевнинг 2017 йил 13 сентябрда қабул қилинган «Китоб маҳсулотларини нашр этиш ва тарқатиш тизимини ривожлантириш, китоб мутолааси ва китобхонлик маданиятини ошириш ҳамда тарғиб қилиш бўйича комплекс чора-тадбирлар дастури тўғрисида»ги Қарори халқимиз маънавий дунёсини бойитиш, китобхонлик маданиятини янги bosқичга кўтаришга қаратилган муҳим ҳужжат экани билан аҳамиятлидир.

Қарорда соҳамиз олдида турган масала ва муаммолар, долзарб вазифалар борлиги ва уларни кенг қўламда ҳал қилиш зарурлиги очиқ-ойдин белгилаб берилди.

Айниқса, халқимиз, аввало, ёшларнинг маънавий-маърифий, бадиий-эстетик талабларига мос келадиган китобларни сифатли чоп этиш, жойларга, таълим муассасаларига вақтида ҳамда мақбул нархларда етказиш, миллий ва жаҳон адабиётининг сара намуналарини таржима қилиш, уларни ижтимоий тармоқларда тарғиб этиш, фарзандларимизни болалиқдан бошлаб адабиётга ошно этишга алоҳида эътибор қаратилди.

Бугунги кунда замонавий технологиялар билан жиҳозланган Алишер Навоий номидаги Ўзбекистон Миллий кутубхонасининг 14 та ҳудудий ахборот-кутубхона марказлари ҳамда 12 мингдан зиёд ахборот-кутубхона муассасалари аҳолига хизмат кўрсатиб келмоқда.

Яқинда Ўзбекистон Миллий кутубхонаси томонидан «Infolib Uzbekistan» миллий ахборот-кутубхона ҳафталиги ташкил этилди. Бундан мақсад аҳолини ахборот-кутубхона муассасаларига жалб қилиш, ёшларнинг мутолаага бўлган меҳрини ошириш, мутолаа маданиятини шакллантириш ва ривожлантириш, фойдаланувчиларни янги нашр қилинган ижтимо-

ий-сиёсий, илмий-маърифий, ўқув ва бадиий адабиётлар билан яқиндан таништириш, кутубхонада кўрсатилаётган турли анъанавий ва интерфаол хизматлар ҳақида маълумот бериш ҳамда кутубхонада яратилган имкониятларни тарғиб қилишга қаратилди.

Шунингдек, республика ахборот-кутубхона соҳаси вакиллари иштирокида давра суҳбати ўтказилди. Унда Ўзбекистон матбуот ва ахборот агентлиги китоб маҳсулотларини чоп этиш ва тарқатиш тизимини такомиллаштириш ҳамда ахборот-кутубхона фаолияти соҳасидаги махсус ваколатли

давлат органи этиб белгиланганлиги таъкидланиб, соҳадаги қатор муаммо ва вазифалар муҳокама қилинди. Ҳафталик доирасида қарорда белгилаб ўтилганидек, ахборот-кутубхона муассасалари ходимлари ф о л и я т и н и қўллаб-қувватлаш мақсадида, «Ахборот-кутубхона муассасасининг энг яхши мутахассиси» номинацияси учун миллий танлов ўтказилди.

Унда Ахборот технологиялари ва коммуникацияларини ривожлантириш вазирлиги ахборот-кутубхона марказлари, Олий ва ўрта махсус таълим вазирлиги, Халқ таълими вазирлиги, Ўрта махсус, касб-ҳунар таълими маркази ахборот-ресурс марказлари, Маданият ишлари вазирлиги кутубхоналари мутахассислари иштирок этдилар.

Танлов натижаларга кўра, Тошкент шаҳар ахборот-кутубхона муассасалари голиб деб топилди. Иккинчи ўринни Бухоро вилояти, учинчи ўринни Навоий вилояти жамоаси қўлга киритди.

Умида ТЕШАБОВЕВА,
Алишер Навоий номидаги
Ўзбекистон Миллий кутубхонаси
директори ўринбосари